

Lelaki tak mengaku cederakan kakak

MIRI: Seorang lelaki mengaku tidak bersalah di Mahkamah Majistret atas tuduhan mencederakan kakak kandungnya.

Chian Thien Sung, 42, dari Jalan Datuk Gribble, Lutong di sini, telah didakwa mengikut Seksyen 323 Kanun Keseksaan dan dibaca bersama Seksyen 326A kanun yang sama.

Mengikut kesalahan ini, tertuduh boleh dikenakan hukuman penjara sehingga dua tahun atau denda sehingga RM2,000 atau kedua-duanya sekali, jika sabit kesalahan.

Berdasarkan pertuduhan kes, dia dituduh dengan sengaja mencederakan seorang wanita, Chian Siu Kah, 44, yang merupakan kakak

kandungnya.

Di didakwa melakukan kesalahan itu pada jam 1.40 petang, 25 November lalu di rumah keluarganya di Jalan Datuk Gribble, Lutong di sini.

Terdahulu, pegawai pendakwa Inspektor Mudzilawati Abdul Rahman memohon ditetapkan satu tarikh baharu untuk pengurusan kes memandangkan tertuduh telah

mengaku tidak bersalah.

Majistret Nazira Adlin Ahmad Khairul Razi membenarkan permohonan itu dan menetapkan 27 Disember depan untuk pengurusan kes.

Sementara itu, tertuduh diperintahkan dibebaskan dengan jaminan RM2,800 bersama seorang penjamin tempatan sementara menunggu tarikh tersebut.